

14. august 2020

UKA2020/110

NAQQIUT

Aalajangiiffigisassatut siunnersuutip 14. augustimeersup kalaallisoortaa taarserpaa
(*Inatsisartut suleriaasiannut § 33, Imm. 1-imut innersuussinermik naqqiut*)

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Tasiilap eqqaani piniarnermut nakkutilliisoqartitsisoqalernissaa suliareqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut.
(Siumup Inatsisartunut ilaasortaatitai)

Tungavilersuut:

2016-imi nunatsinni arfineq-pingasunik piniarnermut nakkutilliisoqarpoq pingasunillu piniarnermut nakkutilliisunut ikiorteqarluni. Ullumikkut arfineq-pingasuinnaarnik piniarnermut nakkutilliisoqarpugut taakkulu ikiorteqartinneqarnatik.

Upernavimmi marlut, Ilulissani ataaseq, Sisimiuni ataaseq, Maniitsumi ataaseq, Nuummi ataaseq Ittoqqortoormiunilu ataaseq.

Tasiilalli eqqaani piniarnermut nakkutilliisoqanngilaq¹.

Naalakkersuisut aperinikuugaluarpakka², qanoq akulikitsigisumik Piniarnermut nakkutilliisut ukiut kingullit marlut iluanni Tasiilap eqqaani nakkutilliartorsimanersut. Akissut tassaavoq nakkutilliartortoqarsimangilaq.

Tamanna attanneqarsinnaanngilaq.

Tasiilap eqqaani piniarnermut nakkutilliisoqalernissaa qangali kissaataasarpoq. Ataasiaannaranilu innuttaasunik ataatsimiisitsinerni aamma kissaatitut qaqinneqartarnikuullu.

¹ Tasiilap eqqaa Nuummi nakkutilliisunit akisussaaffigineqarpoq.

² § 37 apequt nr. 2019/256

Taamaattumik neriuutigaara partiit tamatta siunnersuut ataatsimoorfigissagipput.

Pisortanut aningaasaqarnikkut allaffissornikkullu sunniutigisassai:

Aningaasaqarnikkut sunniutaasussat, piniarnermik nakkutilliisumik nuussiinnartoqarneranik imaluunniit atorfirmik nutaamik pilersitsineramik tunngaveqartussaapput.

Piniarnermik nakkutilliisumik ataatsimik atorfirmik pilersitsinermi ukiumut aningaasartuutaasussaq 1 mio. koruuniusussaassaaq, taassunga saniatigut aallartisarnermi atortunut pikkorissarnernut, angallatisiniarnernut, allaffimmik attartornermut, atortussarsiniarnermut allarpassuarnullu 2 mio. koruunit tikillugit ukiumut atuisoqartassalluni.

Naalackersuisut ilisimatitsissutigaa angallat Tasiilap eqqaanut naleqquttoq 750.000 koruunit missaanik akeqassasoq, taannalu ukiumut 150.000 koruunit missaannik aserfallatsaaliinermut ingerlanneqarneranullu aningaasartuutitaqartassasoq. Naalackersuisuttaa maluginiaqqaat, Tasiilap eqqaani atugassamik angallatisinerup piffissami sivikitsuinnarmi atorneqartarnissaa, ilaatigut ukiup ilarujussua sikorsuaqartarnera pissutaalluni, aningaasartuutit annertuginarsinnaammata nakkutilliinerup kivikissusaanut naleqqiullugu. Piniarnermut nakkutilliisut ilaasa namminneq angallatertik imaluunniit piniartunit attartugartik nakkutilliinermut atortaraat Naalackersuisut ilisimatitsissutigaa.³

Privatimik inuussutissarsiortunut aningaasaqarnikkut allaffissornikkullu kingunerisassai:

Soqanngilaq.

Aningaasaqarnikkut allaffissornikkullu innuttaasunut kingunerisassai:

soqanngilaq

³ § 37 apequt nr. 2019/256